

# INUIT ATAQATIGIIT

## Inatsisartuni



17.06.2019

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

### **Naalakkersuisunut apeqquut:**

- 1. Naalakkersuisut amaqqut illersugaanerat pillugu nalunaarutissamik suliaqarnerat sumut killiffeqarpa?**
- 2. Naalakkersuisut amaqqunut nunatta avannaani piniakkanut ulorianartorsiortitsisut piniagaasinnaaneranut qanoq aaliangiiniarpas?**
- 3. Naalakkersuisut piniartut avannaani amaqqut piniakkanut ulorianartorsiortitsisarnerannik oqariartuutaat isumaqatigaat?**

(Inatsisartuni ilaasorta q Mikivusuk Thomassen, Inuit Ataqatigiit)

### **Tunngavilersuut:**

Tunngavilersuutigaara apeqquuteqaateqarsimaninni akissuteqarnikummata (nr.224\_2018) suliaq ingerlanneqartoq tusarniutigineqartorlu qanittumilu aqqiffiqineqarniartoq piniagaalersinnaanerats piniartutut allagartalinnut, kisiannili massakkumut suli erseqqissumik nalunaarutigineqarnani. Erseqqissaatigissavara massakut Qaanaap eqqaanilu takussaanerulermata takkussuunnikuullutillu qaninngoortut isumaqarpunga piaartumik erseqqissumik akissuteqartoqarumaartoq.

Tamannaavoq Naalakkersuisunut apeqquuteqarninnut tunuliaqutaasoq.

Kissaatigivara apeqquutikka ullut suliffiusut qulit qaangiutinnginneranni akineqarnissaat.